

Alkitab Sagan Kakanakan

Mengenal akan

Daniel lawan
buhan
tawanan



Panulis: Edward Hughes

Nang manggambar: Jonathan Hay
Alastair Paterson

Nang manyusun: Mary-Anne S.

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.



Daniel lawan katalu sahabatnya badiam di Israel. Pas ngintu saurang raja nang ganal datang ka nagarinya. Raja ngintu baisi ngaran nang panjang-Nebukadnezar-lawan inya badiam di sabuah nagari nang liwar jauhnya bangaran Babel.



Babuhan urang anum diparhatiakan banar lawan baik salawas ada di Babel. Raja sudah mamilih nang paling pintar lawan tabaik matan satiap nagari di dunia. Inya marancanaakan hagan malatih buhannya barataan dalam bahasa Babel sahingga buhannya kawa jadi palayannya lawan kawa mambantu hagan mangambangakan karajaannya.




Makanan nang disana jua baik banar. Buhan nang anum makan napa nang dimakan raja jua. Tapi Daniel lawan katalu kawannya kada handak makan makanan ngintu ulih ngintu dikhususakan hagan buhan barhala. Daniel sudah bajanji pada inya kada pacangan maulah napa haja nang kawa malawan Allahnya. Allah Israel sudah mamarintah bangsanya supaya kada bahubungan lawan barhala atawa allah palsu.



Daniel batakun ka urang nang batanggung jawab lawan palatihannya ngintu supaya kada makan makanan nang dimakan raja. Amun raja ahu, inya pasti sarik banar. Tapi Allah maulah Daniel dikatujui banar ulih urang ngintu.



Inya hakun hagan mambari Daniel lawan katalu kawannya sabuah ujian. Sapuluh hari buhannya makan sayuran lawan minum haja. Imbahnya sapuluh hari Daniel lawan katalu kawannya talihat sihat dari sabarataan pamuda nang makan makanan raja. Maulah buhannya umpat malanjutakan makan sayuran lawan banyu haja.



Daniel lawan katalu kawannya mahurmati Allah.
Lawan Allah jua mangasihi nuhannya. Allah mambari
buhannya pangatahuan lawan kamampuan dalam
hapus saja sabarataan hal nang buhannya palajari,
lawan Daniel dibari kabijaksanaan hagan mangarti
barataan visi lawan misi di masa kaina.





Imbah talu tahun sakulah di Babel, sabarataan nang anum mahadap raja Nebukadnezar. Inya mamilih Daniel lawan katalu kawannya sabagai nang tabaik matan sabarataan. Sabujurnya raja tahu pada Daniel baisi banyak kabijaksanaan daripada sabarataan urang bijak nang ada dikarajaannya.



Sabuting malam, raja tadapat mimpi buruk. Raja mangiau paramal, juru mimpi lawan tukang sihir hagan datang lawan badiri di hadapannya. Raja baucap, "Aku tamimpi, aku handak banar tahu arti mimpiku."

Saurang bijak manjawab, "Ya raja, hiduplah salamanya!


Ujanya ka saurang palyanmu tantang sabarataan mimpimu, lawan kita pacangan bapadah napa arti mimpi ngintu."




Raja manjawab, "Kada! Ikam harus bapadah ka aku mimpi ngintu lawan padah jua artinya. Amun kada, kau pacangan kubunuh lawan rumahmu pacangan kubakar! Tapi, amun ikam bapadah mimpiku lawan napa artinya," Raja malanjutakan, "Ikam pacangan taulih hadiah, panghargaan lawan bayaran nang bagus banar." Bujur haja, kada sabarataan urang bijak kawa bapadah napa mimpi raja.



Saurang bijak karajaan bapadah ka raja, "Kada ada saikungpun di dunia ngini kawa maulah napa nang raja handaki. Diwa haja nang kawa maulahnya, tapi buhannya kada ada di dunia ngini." Raja sarik banar. "Hancurakan sabarataan urang bijak nang ada di Babel!" parintah raja.



Pas buhan prajurit datang ka Daniel, inya batakun ka Ariokh, saurang panglima raja, "Kanapa raja handak mahancurakan sabarataan urang bijak nang ada?" Ariokh mangisahi sabarataan nang sudah tajadi ka Daniel. Daniel tulak hagan mahadap ka raja. Inya maminta waktu hagan mamadahi raja arti mimpinya.



Imbahtu Daniel bulik ka rumahnya,
inya mangisahi sabarataan kisah
ngintu ka kawanannya Sadrakh,
Mesakh lawan Abednego. Daniel
kada tahu mimpi kaya apa lawan
arti matan mimpi ngintu, tapi inya
tahu ada Saurang nang nang tahu
sabarataannya. Saurang ngintu
adalah Allah. Maulah, Daniel lawan
kawanannya
badua.



Allah manunjukakan ka Daniel mimpi ngintu lawan artinya. Daniel basyukur ka Allah di surge, lawan baucap, "Tapujilah ngaran Tuhan salama-lamanya, hagan kabijaksanaan lawan sabarataan ampun-Nya." Daniel lakas mahadap raja lawan baucap ka inya, "Ada Allah di surga nang kawa maungkapakan rahasia." Inya mangisahi ka raja

tantang
mimpi
lawan
arti
mimpinya.



Pas raja Nebukadnezar mandangar mimpi lawan napa artinya, inya balutut dihiga Daniel lalu baucap, "Bujur Allahmu ngintu Allah matan sabarataan Allah, lawan Tuhan matan sabarataan raja, lawan pangungkap rahasia, matan ikam maungkapakan rahasia ngini!"



Imbah ngintu raja manjadiakan Daniel sabagai urang tapandang, lawan mambari banyak banar hadiah. Raja manjadiakannya panguasa sabarataan wilayah Babel, lawan jadi kapala matan sabarataan urang bijak di Babel.



Daniel lawan buhan tawanan

Sabuting kisah matan Firman Tuhan, Alkitab

Taulih dalam

Daniel 1-2

"Amun tabuka, firman-firmanPian mambari
pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

